



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 726. Usque Ad Annum 813

Fleury, Claude

August. Vind. [u.a.], 1760

VD18 90117859

§.13. Venerabilis Beda.

[urn:nbn:de:hbz:466:1-66091](https://nbn-resolving.org/urn:nbn:de:hbz:466:1-66091)

Sæcul. VIII.

A. C. 732.

omnium piissimi non nisi in Nativitate Domini, in Epiphania & in Paschate Communionem accipiant, etiamsi plurimi utriusque sexus & omnis ætatis dentur, qui vitam immaculatam ducunt, & nulla re obstante singulis diebus Dominicis, in Festis Apostolorum & Martyrum, ad S. Communionem accedere possent, sicut vidisti optimos Christianos Romæ accedere. Conjuges quoque Sacram mensam frequentarent, si quis esset, qui eos continentia modum doceret. Id est, modum illum, quem ipsos servare oportet, quando Sacramenta recipiunt.

§. XIII.

Venerabilis Beda.

Beda in lucem editus anno sexcentesimo septuagesimo tertio in extremo Nordhumbriæ angulo, qua Scotiam contingit & Ditione duplicis Monasterii Viremuthani & Jaroviensis*, septennis huic Monasterio alumnus traditur, & primo Viremuthi sub Disciplina S. Benedicti Biscopii, qui illud fundaverat, fuit, postea vero Jarovii sub Regimine S. Ceolfredi, ubi totum vitæ exegit tempus, quo Sanctus Vir nihil antiquius habuit, quam Scientiarum & Sacræ Scripturæ studium (istud enim dimisit nunquam) non ideo tamen ab exercitationibus Monasticis, id est, a Psalmodia & manuum labore, cujus

* Aliter Girvvensis.

Aët. SS.

Ben. to. 4.

p. 534. 539.

cujus rei Disciplina in illo monasterio ^{Sæcul. VIII.}
 maxime vigeat, aberat. Monasterio ^{A. C. 732.}
 nunquam pedem efferens linguam lati-
 nam, græcam, latinos versus scribere,
 Astronomiam, Arithmeticam, atque ut
 verbo dicam omnia, cunctas Scientias
 didicit. In explicatione Scripturæ Sa-
 cræ præter alios Magistrum habuit Trum-
 bertum Monachum S. Ceaddæ Episcopi
 Lichtfeldensis Discipulum. Cantum au-
 tem doctus est a Joanne Archidiacono
 Romano, quem S. Benedictus Biscopius
 in Angliam adduxerat. Beda præterea ^{Sup. lib. IV.}
 Magistros auscultavit S. Theodori Can- ^{hist. c. 3.}
 tuariensis & Adriani Abbatis Discipulos.

Annos natus novemdecim Diaconus
 ordinatus est, quamvis Canones ad re-
 ciendum hunc ordinem annum vigesi-
 mum quintum præscriberent. At non
 nunquam merita supplebant, quod æta-
 ti deerat. Anno vitæ trigesimo Jesu
 Christi 702. Sacerdotio initiatur. Utrum-
 que Ordinem suscepit e manibus Joannis
 tunc Episcopi Hagulstadenensis, deinde ad
 Sedem Eboracensem translatus, & jubente
 S. Ceolfrido Abbate suo, quippe Mona-
 sterium Jaroviense ad Dioccesin Hagul- ^{Act. p. 555.}
 stadenensem pertinebat. Ex quo Beda
 Presbyter ordinatus fuit, in Sacram Scri-
 pturam commentari cœpit. Primo ex-
 plicationem brevem in Epistolam S. Jo-
 annis scripsit, & deinde explicationem

Sæcul. VIII. Apocalypsis Huberto, cognomento Eusebio, postea Abbati suo dedicatam. Tum commentatus est in Acta Apostolorum, eum laborem sibi præcipiente Acca, qui ab anno septingentesimo nono Episcopus Hagulstadenfis fuit. Explicavit deinde Evangelium S. Lucæ, tum triginta Quæstiones in Libros Regum rogatus a Northelmo, tunc Presbytero Londinensi & postea Archiepiscopo Cantuariensi. Tum edidit Commentarium in Samuelem, cujus librum tertium S. Ceolfrido Abbate jam defuncto, id est, anno septingentesimo decimo sexto scribere cœpit. Explanationem in S. Marcum diu, postquam in S. Lucam commentatus fuerat, vulgavit. Commentatus est etiam in S. Paulum, & in Epistolas Canonicas non sine magno labore ex operibus S. Augustini collectas. Librum de sex Mundi ætatibus anno nono Leonis Isauri Imperatoris, id est, anno septingentesimo vigesimo quarto absolvit.

§. XIV.

Alia Bedæ Opera.

Bedæ Opus de Mundi ætatibus quibusdam imperitis admodum offensionem fuit, usque adeo ut Hæreticum appellerent, & in eum cantilenas cuderent; dicentes, ipsum negare, quod Dominus Noster in Sexta Mundi ætate fuerit incarnatus.